

Na osnovu člana 89. stav (3) Zakona o javnim nabavkama Bosne i Hercegovine ("Službeni glasnik" broj: 39/14), a nakon provedenog postupka nabavke putem konkurentskog zahtjeva za dostavu ponuda, *zaključuje se*

## UGOVOR O NABAVCI OPREME ZA SEKTORE NASTAVE I NAUČNO-ISTRAŽIVAČKOG RAZVOJA

Između ugovornih strana:

"Micom BH" d.o.o. Sarajevo, sa sjedištem na adresi ul Bačići 58., ID broj: 4201551590003, koju zastupa direktor Aldin Camović (u daljem tekstu: Ponuđač)

i

Elektrotehnički fakultet u Sarajevu, sa sjedištem u Sarajevu na adresi Zmaja od Bosne bb, koga zastupa dekan prof. dr. Samim Konjicija (u daljem tekstu: Ugovorni organ)

### PREDMET UGOVORA

#### *Član 1.*

Predmet ovog ugovora (u daljem tekstu: Ugovor) je oprema za sektore nastave i naučno-istraživačkog razvoja Elektrotehničkog fakulteta u Sarajevu.

Sastavni dio ovog Ugovora je Ponuda Ponuđača br. 12-4239/18 od 29.10.2018. godine, sačinjena prema obrascu za cijenu ponude, sa navedenim tehničkim elementima robe, količinama i jediničnim cijenama istih.

### PRAVA I OBAVEZE UGOVORENIH STRANA

#### *Član 2.*

Ponuđač se obavezuje:

- izvršiti isporuku predmeta nabavke iz člana 1. ovog Ugovora u skladu sa uslovima tenderske dokumentacij.
- postupiti po eventualnim primjedbama Kupca u pogledu nedostataka u kvaliteti predmeta nabavke.

Ugovorni organ se obavezuje:

- da će blagovremeno obavijestiti Ponuđača o mjestu, terminu i načinu isporuke robe.
- da će pismeno obavijestiti Ponuđača usluga o mogućim propustima u pogledu isporuke robe ili nedostacima u pogledu kvaliteta isporučenog predmeta nabavke.
- da će obavijestiti Ponuđača da u razumnom roku ispravi propuste u smislu izvršene nabavke.

Ugovorni organ postavlja uslov Ponuđaču, da nema pravo zapošljavati u svrhu izvršenja Ugovora, fizička ili pravna lica koja su učestvovali u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje 6 (šest) mjeseci po zaključivnju ugovora, odnosno od početka realizacije Ugovora.

### PODUGOVARANJE

#### *Član 3.*

Ponuđač može angažovati podugovorača, ukoliko Ugovorni organ odobri angažovanje takvog podugovorača pismenim putem. Ponuđač će biti odgovoran za sve realizovane usluge od strane podugovorača.

### VISINA I PLAĆANJE

#### *Član 4.*

Ukupna cijena ponude iznosi 15.247,00 KM bez PDV-a (petnaest hiljadad vijestotinečetdesetsedam i 00/100KM). Ugovoreni iznos naknade će se platiti na žiro račun Ponuđača, kod odgovarajuće banke u Bosni i Hercegovini, u roku od 30 (trideset) dana od dana dostave fakture.

Pripadajući porez će se obračunati i platiti u skladu sa zakonom.

## TRAJANJE I RASKID UGOVORA

### Član 5.

Ovaj Ugovor se zaključuje za jednokratno izvršenje.

Ovaj ugovor stupa na snagu danom obostranog potpisivanja od strane ovlaštenih osoba ugovornih strana.

## PRIJELAZNE I ZAVRŠNE ODREDBE

### Član 6.

Odredbe ovog Ugovora ne mogu se mijenjati nakon njegovog zaključenja.

Za sva ostala pitanja koja nisu regulisana odredbama ovog Ugovora, primjenjivat će se odredbe Zakona o obligacionim odnosima.

### Član 7.

Za sve eventualne sporove po bilo kojem članu ovog Ugovora, ugovorne strane su saglasne da probleme i nejasnoće rješavaju sporazumno u razumnom roku, u protivnom odlučuje stvarno nadležan sud prema sjedištu Ugovornog organa.

### Član 8.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

PONUĐAČ




Direktor, Aldin Camović

Broj: 67/18

Datum: 05.11.2018.



UGOVORNI ORGAN



Dekan, prof. dr. Samim Konjicija

Broj: 02-4468/18

Datum: 05.11.2018

